



18

Kuebel

18
1848

904
49 (1844)





at the meeting along with

DE

SIGNO EBURNEO NUPER EFFOSO

COMMENTATIO.

AD INDICENDA EXAMINA AUCTUMNALIA A. MDCCCXLIV

SCRIPSIT

Henr. Knebel, Dr.

GYMNASII DUISBURGENSIS DIRECTOR.

Duisburgi ad Rh.

TYPIS C. H. SCHMACHTERBERG.

S. Pr. 18.



10. 1239.

DE MEMORABILI SIGNO EBURNEO NUPER EFFOSO.

Constat inter omnes antiquitatis vere studiosos, neminem ad plenam ac perfectam veterum temporum notitiam pervenire posse, nisi artis veterum monumentis cognitis ac perspectis. Nam, ut hoc unum afferam, qui in veterum literarum thesauris omnem operam ponunt, alteram modo partem totius cultus et eruditionis priscorum ingeniorum animo percipiunt, hac quidem in re non dissimiles ei, qui nummi alicujus adversa parte inspecta, neglecta posteriore, totum se illud nomisma nosse sibi persuaderet. Ac ne illam quidem partem ex libris, quos temporum iniquitas ad hanc aetatem passa est durare, penitus perspectam habere possunt; etenim innumerabiles sunt veterum scriptorum et poetarum loci, quorum vis ei demum patebit, qui in pretiosissimis illis artificum veterum operibus perlustrandis nonnihil certe studii collocaverit. Quot autem sunt Graecorum et Romanorum instituta, quibus his solum adminiculis aliqua lux affertur, quot denique res scitu dignissimae, quarum omnis scientia ex his venerandae vetustatis reliquiis nobis sit haurienda! Quare summo opere laudandus est vir doctissimus *Franciscus Fiedler*, gymnasii Vesaliensis decus, qui in conventu praeceptorum Rhenanorum et Guestphalarum anno superiore Tremoniae acto artis monumenta etiam in scholas introducenda et ad juvenilium ingeniorum eruditionem adhibenda summa, qua pollet, eloquentia commendaverit.¹⁹ At enim ea est gymnasiorum nostrorum conditio, ut raro praeceptoribus, nedum discipulis, occasio detur ejusmodi operum cegnoscendorum. Hinc igitur fit, ut in ingenti programmatum, quæ quotannis a ludorum magistris scribuntur, numero vix unum et alterum deprehendas, quo hujuscemodi res tractetur. Quo cupidius nos hac scribendi opportunitate ita utendum censimus, ut de egregio et memorabili opere, quod fortunæ beneficio in nostras manus per-

¹⁹ Vid. Museum des Rheinisch-Westphälischen Schulmänner-Vereins, tom. II, fascic. 3, p. 274. ss.

venit, breviter et pro curta nostra supellectile dissereremus. Quod enim abhinc biennio ad nos perlatum est sigillum eburneum singulari artificio perfectum quum propter operum ex hac materia factorum infrequentiam, tum propter eximiam ipsius signi elegantiam dignum visum est, quod ex temporum naufragio servatum in lucem protraheretur. Sed quum hoc scriptionum scholasticarum genus non solum doctorum hominum causa edi, verum etiam discipulis tradi soleat, in argumento tractando ita erat versandum, ut non modo lectorum eruditorum ratio habita esse videretur, sed ad adolescentium quoque captum oratio nonnihil se accommodaret. Quod judices aequi velim meminerint, si in disputatione jamjam exordienda nonnulla exposita offendent, quibus me supersedere potuisse putent.

I.

Tu igitur, gratiouse lector, sine in mentem tibi revocari *Ausonii* prooemium suavissimi idyllii, quod inscriptum est *Mosella*; hujus enim v. 7. poeta mitiore dignus aetate
Praetereo, ait, arentem slientibus undique terris
Dumnissum riguasque perenni fonte Tabernas.

Has autem *Ausonii* Tabernas hodie constat vicum fuisse, cui nomen *Belginum*²⁾, ad viam militarem, quam sollers Romanorum industria Magontiacum inter et Augustam Trevirorum straverat. Ejus quidem vici pauca nunc vestigia ex terra eminent, inque iis turris longe lateque conspicua, quamquam ne haec quidem satis certa offert indicia originis Romanæ. Sed solum etiamnunc rudera tanta condit, ut accolit et gratissimam et copiosissimam ædificandi materiam suppeditet. Quo in loco rusticus quidam abhinc triennium, quum lapides effoderet, murum offendit vetustate collapsum, cuius inter partes disjectas duo lapides ita corruerant, ut quasi quoddam tectum efficerent. Quo casu sane quam felice factum est, ut ab interitu defendetur pulcherrimum signum eburneum ibi repertum, quod deinceps a rustico velut res futilis ac frivola peregrinanti cuidam dono datum et ab hoc mihi venditum est.

Est vero illud sigillum, cuius adumbrationem pari magnitudine, a *Feldmanno* collega conjunctissimo factam, huic libello adjungendam curavimus, ita compositum, ut adspiciatur vir nudus, florenti aetate, qui propero, ut videtur, gressu incedens humeris gestat juvenem pariter nudum capite sine dubio graviter vulneratum; nam laeva manu caput ita premit, ut de vulnere nemo posset dubitare, etiamsi minore arte in oris lineamentis expressa esset tam clara dolorum significatio, ut eorum acerbitate vel spectantes sentire videamur; gentantis autem *vultus summa perfusus misericordia laboranti* advertitur, quasi aegritudinem

²⁾ Vid. praeter *Ausonii* intpp. egregia disputatio *Der Vicus Belginum etc.* von Chassot v. Florencourt, Jahrb. des Vereins von Alterthumsfreunden im Rheinlande, III, p. 43. ss.

cari capitinis blanda voce solaturus. Verum enimvero non solum ex facie utriusque virtus artificis eluet, sed omnis corporum conformatio ita est ad veritatem expressa, singula membra, sicciora in majore natu, in minore contra mollia ac delicate, tanta arte perfecta, capillus et barba et nervi et venae tam diligenter elaborata, ut opus et homines ejusmodi rerum cupidos allicere, et intelligentium animos capere posse videatur. Huc accedit, quod signum non ex pluribus partibus coagmentatum, sed ex solido ebore factum tam integrum aetatem tulit, ut ne minima quidem laesio appareat, nisi quod fossoris ligone majoris hominis pedes et basis, qua eum probabile est stetisse, abscissa sunt nec reperiri potuerunt.

De origine operis vix dubitatio oboriri posse videbatur reputanti repertum illud esse in loco, qui manifesta Romani cultus vestigia retinebat, in quo identidem ad nostros usque dies nummi, vasa, lateres, lapides inscripti, denique omne genus reliquiae Romanae dominationis eruebantur ³⁾, in quo post Germanorum incursiones, quae Romano imperio in his regionibus finem, cultus atque humanitatis monumentis exitium attulerunt, nemo mortalium habitaverat. Sed ecce! factum est, quod nunquam fieri posse putaveram. *Aemilius* enim *Cauer* Crucenacensis, suavissimus olim collega et ipse eximius sculptor, cui signum nostrum, quo mirifice delectabatur, commodaveram, illud *Ernesto Foerster* Monacensi, homini artium studiis claro et in his rebus in primis versato, ostendit. Qui primum artificium admiratus præclaram rem esse clamavit; sed antiquum sibi videri negavit: se eo inclinare, ut opus esse judicaret *Benvenuti Cellinii* Florentini, cuius etiam alia extarent ornamenta insigni opere eburnea. Quo viri peritissimi judicio vehementer animo commotus sum; sed iterum iterumque pensitato, quid verum esset, facere non potui, quin in priore sententia perstarem. Cogitari enim nequit, quo casu factum sit, ut sæculo sextodecimo in regionem illam incultam ac derelictam tale opus deferretur; etiam minus conjectura assequimur, quo fato illud in ruinas parietinarum Romanae mansionis ingenti terrae mole coopertas conjectum sit. Quae sententia egregie firmata est amicissimi *Caueri* judicio, „sibi nihilominus signum antiquo artificio factum videri“ pronuntiantis. Novum denique, et quod solum sufficeret, firmamentum opinioni accessit, quum ex *Welckero*, Viro Clarissimo et primario Almae Rhenanae ornamento, cui ex Graeco itinere reduci rem dijudicandam proposueram, fere eadem audirem ⁴⁾. Pro certo igitur habeto, mi lector, tibi non falsam et ementitam venditari antiquitatem, quam Anglis peregrinantibus passim obtrudunt nebulones Itali.

³⁾ Vid. Chassot de Florencourt I. 1.

⁴⁾ Poteram etiam, si opus fuisset, adducere Winckelmannum, cuius haec sunt verba: „An dem Haupt ist eine kurze Stirn den Begriffen der alten Künstler von der Schönheit dergestalt eigen, dass dieselbe ein Kennzeichen ist, vielmals eine neue Arbeit von der alten zu unterscheiden. Durch eine hohe Stirn allein habe ich an manchem Kopfe, den ich nicht in der Nähe betrachten können, erkannt, dass derselbe neu ist.“ (Winckelmann's Werke, herausgeg. von Meyer und Schulze, B. IV, S. 168.) Adspice jam utriusque capitinis frontem, ut ne hanc quidem antiquitatis notam simulacro deesse agnoscas.

II.

„Sed late patet antiquitatis notio; diu enim fuere Graeci artifices, diu etiam Romanorum opibus artes sustentatae sunt. Quid igitur hac disputatione lucramur? Plus petimus.“ Audio, et quantum potero, desiderium explorare paratus sum. Primum igitur anquirendum est, num aliqua veri similitudine (nam ultra probabilitatis rationem tendere vix licebit) demonstrari possit, quō tempore sigillum nostrum factum esse videatur. Pertinet haec quaestio ad historiam artium et videndum erit, quando similia nostro opera fabricati sint artifices Graeci vel Romani. Qua in re exploranda ut satietatem vitemus, nihil de *Homeri* aetate dicemus, qua ebur, res et rarissima et pretiosissima, nisi ad exornanda regum arma et supellectilem non usurpatum esse docemur ⁹⁾. Apud *Hesiodum* vix uno verbo ebur commemoratur ⁹⁾ et ita, ut ne suspicari quidem liceat, illud alium in finem quam ad opus variandum esse assumptum. Nec de Cypseli arca ⁹⁾ nunc disserendi ullus locus est, quippe cuius imagineculas eburneas (*ζώδια ἔλεφαρος*) nihil nisi crustas aut emblemata fuisse ex ipsa Pausaniae narratione pateat.

Sed de veris signis et statuis eburneis, que a scriptoribus existitisse traduntur, disputationi novis circumfundimur tenebris. Nam recentioribus, qui in historia artium versati sunt, caeco judicio nos confidere quum innata humanis ingenii infirmitas vetat, tum manifesti errores, quibus ne optimi quidem immunes sunt. Etenim (ut sit ab Jove principium) ipse *Winckelmannus* ⁸⁾ in quattuor operibus, quae praeter Victorias Melitenses ⁹⁾ ex ebore facta commemorat, etiam Palladis simulacrum laudat ad viam, qua Aristonautis Pellenen itur, positum; sed inspice *Pausaniam* ¹⁰⁾ a Winckelmanno inductum, et statim videbis, ab illo scriptore Pallada non eburneum, sed ex auro et ebore factam praedicari. Fuit igitur e numero *χρυσελεφαντίνων ἀγαλμάτων* nec magis hue pertinet quam Jupiter Olympius vel Minerva Virgo Phidiae, a quo etiam hoc signum factum esse credebatur. Deinde a viro immortaliter citatur Jupiter eboreus, quem *Plinius* ¹¹⁾ in quodam delubro Cyzici suisce refert. At scri-

⁹⁾ Etsi accuratius rem persequenti ab Iliadis simplicitate distinguenda erit cultior Odysseae vita, nos tamen hanc differentiam praetermittere posse videmur, quum ne in Odyssea quidem de eboris in artibus usu sermo esse possit. Plura dabit Krause in libro qui inscribitur Real-Encyclopädie der classischen Alterthumswissenschaft, B. III, S. 81.

⁹⁾ Scut. Herc. v. 141. Gaisf.

⁹⁾ Pausan. V, 17.

⁹⁾ Winckelmann's Werke, herausgeg. von Meyer und Schulze, B. III, S. 30.

⁹⁾ Cicer. Act. II. in Verr. lib. IV, 46.

¹⁰⁾ Pausan. VII, 27.

¹¹⁾ Plin. Hist. Nat. XXXVI, 22.

ptorum Romanorum testimentiis ut paullulum dissidamus de signis eburneis sive eboreis¹²⁾ narrantium, nisi aliud accedat, quod rei fidem faciat, sermonis inconstantia admonere videtur, per quam eburneum vel id vocari licebat, quod ex parte tantum ebore confectum esset; ita enim, ut certissimo id factum probem exemplo, *Cicero*¹³⁾ Athenis Minervae signum ex ebore fecisse Phidiam dicit, quod ex ebore auroque factum inter omnes constat. Non minus incerta res est de Hercule Tiburtino a Winckelmanno in his operibus nominata; nam quod *Propertius*¹⁴⁾ Tiburis in fano Herculeo numine nunquam ebur pallere cecinit, id etiam tum recte prolatum est, si nihil praeter caput aut manus in dei signo ex ebore fuit. Ac vix *Heynus*¹⁵⁾ Victorias Melitenses admittit supra memoratas, quas ipse nihil nisi caelaturas fuisse suspicatur. In quam tamen sententiam quum errore delapsus sit, quem infra in annotatione nos elevasse nobis videmur, tota *Ciceronis* narratio eo nos impellit, ut cum *Winckelmann* statuas fuisse putemus. Verum utinam *Heynus*, qui tam incredulum modo se praestitit, minus ipse credulus fuisse! Etenim ille in eadem commentatione, in qua de Victoriis eburneis tulit judicium, statuas quoque recensuit¹⁶⁾ ex ebore factas, quas a veteribus scriptoribus laudatos reperisset, similemque recensionem jam olim in alio libro¹⁷⁾ instituerat. Sed ut omittam, quas ne ipse quidem ex mero ebore fuisse perhibet, „Liberum patrem ore, pedibus et manibus eburneis“ et „Endymionem praeter vestem totum (?) ex ebore“, quos *Pausanias Olympiae* viderat¹⁸⁾, multum abest, ut ceterae omnes sine ulla dubitatione in eburneorum simulacrorum numero habeantur. Nam Apollinem, qui Romae fuit in foro Augusti¹⁹⁾, et Jovem Pasiteli in Metelli aede, qua Campus petebatur²⁰⁾, quum simpliciter eboreos *Plinius* appellat, eadem reddit ambiguitas, quam supra in Jove Cyziceno significavimus. Minus fluctuamus animo, quid judicandum sit de statua equestri, quam imperator Titus Vespasiani f. Britannico in palatio ex ebore faciendam curaverat, quaeque etiam *Suetonii* aetate Circensi pompa præferebatur²¹⁾; vix enim

¹²⁾ Posterior adjectivum aurea latinitatis aetate usurpatum esse vix crediderim.

¹³⁾ Cicero. Brut. c. 73, §. 257.

¹⁴⁾ Propert. IV, 7, 82.

¹⁵⁾ Heyne's antiquar. Aufsätze, II, S. 164. „Sujets in erhobener Arbeit in Elfenbein ausgeführt; — — viele aus Elfenbein, das zur Auszierung diente, und darunter Siegesgöttinnen von einer alten Arbeit und vor trefflichen Kunst.“ Manifestum est, Heynium perperam interpretatum esse vocabulum q. e. ornamenti, quo Cicero in illo libro passim statuas significat, velut bis c. 3, 6.

¹⁶⁾ Pag. 165.

¹⁷⁾ Nov. Commentar. societatis Gotting. tom. I, part. 2, p. 107.

¹⁸⁾ Pausan. VI, 19. cuius verbis non tecte significatur, in Endymione pariter atque in Libero patre praeter os et extremos pedes (*ἄκρους πόδας*) et manus nihil ex ebore fuisse.

¹⁹⁾ Plin. VH, 54.

²⁰⁾ Plin. XXXVI, 4, 12.

²¹⁾ Sueton. Tit. c. 2. ex.

satis mirari possumus, quod vir ceterum præclaro acumine inque hisce rebus non vulgari-
ter intelligens sustinuit animo informare equum una cum equite purum putum ex ebore fa-
ctum; cum mica salis, ut ajunt, talia percipienda esse res ipsa clamat. Acumen certe
etiam desidero in *Krausio*²²⁾ Viro Doctissimo, qui in templo Jovis Olympiæ statuam regis
Nicomedis eburneam a Pausania oculis usurpatam narrat. Etenim *Pausanias*²³⁾ quin duo
insignia ibi esse simulacra retulerit, τὴν μὲν τοῦ ἡλέκτρου βασιλέως Ρωμαίον Αὐγούστον, τὴν
δὲ τοῦ ἐλέφαντος βασιλέως Νικομήδους εἶναι Βιθυνῶν, aut utriusque omnes partes ex eadem
materia factas fuisse intelligi necesse est aut neutrius; inauditum vero est statuas apud
antiquos fieri solitas ex electro: illud dico electrum, quod in Eridani (Padi) arena reperiri
creditum a Romanis succinum vocabatur²⁴⁾, non metallum auro argentoque confusum.
Nihil igitur restat, nisi ut putemus, aut εἰχόντας a Pausania non ut vulgo dictas esse sta-
tuas, sed perexigyas quasdam effigies, nostro sigillo fere consimiles. Quod ut verum exi-
stimus, quin Pausaniae religio in definienda materia statuarum, qua Plinio longe ante-
cellit, tum ipsius Plinii verba quaedam²⁵⁾ suadere videntur, quibus id saltem evinci po-
test, ipsius etate luxuriem etiam succino ad parva simulacra effingenda usam esse.

Vide jam, mi lector, ex iis, quae adhuc sunt disputata, quid sequatur. Nimurum
si verum videre nobis contigit, ad modicum numerum redigitur copia signorum eburne-
rum, quæ ex scriptoribus Græcis et Romanis collegisse sibi visi sunt *Winckelmannus* et
Heynus et *Krausius*²⁶⁾. Vix enim simulacra apud veteres invenientur, quæ vere eburnea,
i. e. nulla alia materia ebori addita aut superimposita²⁷⁾ haberi possint, præter ea, quæ
perspicuitatis causa hic uno in conspectu ponimus. Sunt autem hæc:

1º *Aesculapius*, qui a *Strabone*²⁸⁾ in vico Arcadiae fuisse traditur, opus Colotæ,
Phidiae discipuli vel (ut dicam, quod sentio) operum adjutoris.

²¹⁾ V. Real-Encyclopädie der Alterthumswissenschaft, B. III, p. 82.

²²⁾ *Pausan.* V, 12.

²³⁾ Succini majorem copiam imperatoris Neronis demum tempore invectam esse *Plinii* testatur lib. XXXVII.
11. ex.

²⁴⁾ *Plin.* XXXVII, 12. „Taxatio (succini) in deliciis tanta, ut hominis quamvis parva effigies vivorum homi-
num vigentiumque pretia supererit.“

²⁵⁾ Vellem me addere posse nomen *Meuseli*, qui simile propositum persecutus est in libro, quem inscripsit
Neue Miscellaneen artistischen Inhalts, I. Stück, p. 49—52; sed liber, quo olim usus sum, jam non ad ma-
num est. Magis etiam doleo, quod carendum erat libro docti Francogalli *Quatremère de Quincy*,
Le Jupiter Olympien. Quamquam uterque vereor ut multum attulerit novi, quod quidem luc pertineat.

²⁶⁾ Calumniae praevtendae causa monemus, in majoribus signis excipendum esse nucleus quem vocant,
quippe qui in omnibus ejusmodi simulacris ex viliore constaret materia: conf. utilissima G. Rathgeberi
commentatio in Encyclopaediae literarum et artium ab Erschio et Grubero institutæ sect. III, tom. III,
p. 261. ss.

²⁷⁾ *Strab.* lib. VIII, p. 520, B. (tom. II, p. 145. Tauchn.)

2º *Venus cognomine Praxis*, antiquissimum opus, quod Megaris fuit ²⁹⁾, ignoto artifice.

3º *Minerva Alalcomenis*, Bœotiae vico, antiquo opere sed fabricatore pariter incom-
perto, quam Sulla abstulit ³⁰⁾.

4º *Minerva Romæ in foro Augusti*, quo ab Tegea Arcadiæ translata fuerat; eam Endœus Atheniensis, Dædaleæ disciplinæ alumnus, fabricatus esse dicebatur ³¹⁾.

5º *Saturnus Romæ*, quem quis fecerit, ignoratur ³²⁾.

6º *Victoriae Melitenses*, de quibus supra dictum est.

7º *Sigillum Nicomedis Olympiæ*, siquidem vera sunt, quæ paullo ante disputavimus.

Sed ne ex his quidem signis multum lucis in nostrum ornamentum transfunditur; in plurimis enim ne ætatem quidem traditam accepimus, in paucis artificum nomina, atque adeo hæc fabularum caligine involuta; de statuarum compositione, de artificii perfectione altum ubique silentium, nisi quod Plinius Saturnum intus cayum oleo repletum fuisse trahit „ebori vindicando a carie“, in quo sane progressus artis cernitur, quum Phidias ad Jovem Olympium a carie defendendum id solum excogitasset, ut signum oleo perfundetur ³³⁾. Nihil igitur ex his concludi potest, nisi satis mature a Græcis artem eborariam exultam et mox opera in hoc genere perfecta esse, quæ etiam cultioris posteritatis judicio commendarentur; denique eo tempore, quo Græcæ res sub imperium dictionemque Populi Romani cesserunt, artem etiam ad minuta opera, quibus si non alia, certe patientiæ et assiduitatis laus debetur, traductam videri. In quo quid præstitum sit, documento est Myrmecides, minutorum opuscilorum fabricator ³⁴⁾, qui quadrigas ex ebore fecit, quæ sub musca possent abscondi, et navem, quam apicula alis tegeret. Sed ista jocularia sunt neque admodum ad propositum nostrum pertinent. Interim, ne justo audaciores in conjectando esse videamur, aliqua veri similitudine ex his efficitur, ut non sit probabile, nostrum sigillum ante illud tempus factum esse.

²⁹⁾ Pausan. I, 43.

³⁰⁾ Pausan. IX, 43.

³¹⁾ Pausan. VIII, 46. De Endœi aetate dubitatum est, quia non est credibile artem eborariam tam mature ad hanc perfectionem adductam esse; sed injuryia, ni fallor. Rectius dubitabis, num vere ad Endœum signi fabricatio referatur; quis enim ignorat istam Graecorum levitatem, qua quidquid ubique antiquissimum esset, popularibus fama claris tribuere solebant? Hinc tot Daedali opera (v. Real-Encyclop. der Alterthumsw. B. II, p. 389, s.), hinc Endœus quoque contra omnem veri similitudinem Minervae Tegeatidis fector dictus.

³²⁾ Plin. XV, 7. Sed ex artificio olei infusi, quod a Plinio commemoratur, non inepte conjicias, eum utique post Jovem Olympium factum esse, ut mox dicetur.

³³⁾ Pausan. V, 11. ex.

³⁴⁾ Cicer. Acad. II, 38. Varr. de L. L. VI, in. Aelian. Var. Hist. I, 17. Plin. VII, 21. De Myrme-
cide disputasse Boeckhium in Corp. Inscr. I, p. 873. Bernhardy me docuit ad Suid. vol. II, p. 915.
Ceterum nusquam Plinius majus edidit documentum levitatis suae quam in hoc; nam eadem, quæ h. l. eburnea
recte dicuntur, lib. XXXVI, 4, 15. parva marmorea fuisse dixit.

Quid ergo? In his acquiescemos? Immo vero, si me sequeris, a scriptorum facundia nos convertemus ad mutos illos antiquitatis testes, opera dico eburnea, quæ ad nostram ætatem perdurant, si forte ex iis aliquid, quod plura nos doceat, clicere possimus. At vero hic nonnullos subridentes videre mihi videor et dubitationem suam vix tegentes. Nec mirum! Quid enim facerent, qui ab Heynio³⁵⁾ sese edoceri passi sunt, „nullam majoris fabricæ ebur ætatem tulisse; vix unum et alterum sigillum eburneum servatum ferri, nec tamen id ipsum ab intelligenti quoquam homine exploratum unquam esse“? quum præsertim tam probabilem ejus rei causam afferat: „solet enim, inquit, ebur aëris vel humoris injuria dissolvi et in scobem tritu facilem, putrem et quasi bolarem abire.“ Ac ne crederes, ipsum unquam hujus effati pœnituisse, multis annis post se in eadem sententia esse significavit addiditque, „in eruendis Herculani ruinis nullum ad id tempus majoris pondoris ebur repertum esse; nihil nisi tibias, fibulas, amuleta, similia“³⁶⁾. Quod quam vere dictum sit, equidem in hac librorum ac subsidiorum penuria dijudicare non possum. Sed cautiulus aliquanto statuere video Winckelmannum³⁷⁾, qui: „statuarum, inquit, eburnearum in tanta rerum ex tenebris protractarum copia nullum vestigium apparuit præter parva signa nonnulla, quia ebur humo tectum maceratur.“ Nec, hercule, aliter poterat, si sibi constare vellet. Ipse enim³⁸⁾ velut rem præclararam extollit minutam effigiem pueri ex ebore factam, palmi magnitudine, totam olim inauratam, quam in cimelio Hamiltoni, legati Magnæ Brittaniæ regis, Neapoli fuisse narrat. Quo accedit alterum sigillum, quod Winckelmanni Editores³⁹⁾ addendum esse censuerunt; nam in thesauro æneorum aliorumque monumentorum minorum, quæ ex antiquitate servata juxta pinacothecam Florentinam custodiantur, simulacrum quinque vel sex pollicum altitudine inveniri ajunt eburneum Pygmæi, qui gruem occisam humero gestet, præclaro opere, in primisque ridiculum quiddam singulari arte expressum placere in suavissimo sigillo. Quid? quod ipse Heynus, non dico similia, sed etiam majorum artis antiquæ operum vestigia ad nostra tempora conservata esse contendit. Quod sane mireris in eo, qui ebur tamdiu posse conservari probabile non esse judicaverit. Quamquam si admirationi ullus locus est, id potius mirum videtur, tale quid in mentem venisse viro, cui esset perspectum, tibias certe et fibulas aliasque res eburneas ætatem tulisse; quod enim in ejusmodi rebus factum est, cur in signis, præsertim minoribus, fa-

³⁵⁾ Nov. Commentar. societ. Gotting. tom. I, part. 2, pag. 115.

³⁶⁾ Antiquar. Aufsätze, II, S. 167.

³⁷⁾ W. Werke h. v. Schulze u. Meyer, B. III, S. 31. Medium quasi inter hos cursum tenet Rathgeber (Encycl. d. W. u. K. von Ersch und Gruber, Sect. III, B. 3, p. 260. Anm.); dicit enim, opera in hoc genere, quae existent, pleraque posterioris aetatis et parvi pretii esse, quod ebur solo obrutum putrescat et dissolvatur.

³⁸⁾ W. Werke, l. l.

³⁹⁾ W. Werke, B. III, S. 288, Anm. 125.

ctum esse non poterit? Sed ut redeat oratio, unde deflexa est, *Heynus*⁴⁰⁾ summis laudibus effert eburneum caput muliebre ad dodrantem vivæ magnitudinis ex uno dente fabrictum, quod Hafniae ostendatur in museo regio et Argivæ Helenæ esse perhibeatur. Verum obstinatae dubitationis quasi poenas luens vir eximius ad saniorem reversurus sententiam hic fortunæ ludibrio fuisse videtur; hodie enim ab earum rerum intelligentibus illud caput antiquum esse prorsus negatur⁴¹⁾. Ac ne Heynio soli laus ejusmodi inventi contineret, etiam *Meuselius*⁴²⁾ nescio unde famam arripuit, apud Belgas haud procul a Cattovico ad Rheni ostium, quo loco vetustum illud Britoburgum situm ferunt, virile caput barbatum eleganti opere, stellata cinctum corona repertum esse, quod ipse Rheni patris fuisse suspicatur. Cujus rei fides penes ipsum esto. Nos quidem nunc de istius fabulæ fontibus inquirere non juvat, sed satis habemus ex Winckelmanno ejusque Editoribus, testibus locupletissimis, didicisse, non solum artifices veteres signa nostro similia fabricatos esse, verum etiam superesse illius artis monumenta nequaquam spernenda⁴³⁾. Utinam viris ornatis placuissest ad cetera bona etiam hoc addere, ut significarent, quid sibi de ætate operum illorum videretur. Quod quum non sit factum, videndum est, possitne ex ipsius sigilli nostri habitu ratio aliqua indagari, qua ad ætatem ejus definiendam adducamur.

Non veremur, ne lectoribus eruditis plus aequo in hac disputatione *Winckelmanni* nomen frequentare videamur. Nam quis huic ingenio, doctrina, judicio inter omnes par esse potest? quis hunc nominis auctoritate, scriptorum laude, summorum ingeniorum veneratione⁴⁴⁾ superavit? quis unquam per artis veteris labyrinthos dueem tam fidum, sollerteum, omnibus rebus instructum se præstitit? Quem si nos quoque in dignoscendis variarum etatum operibus sequemur, hominibus doctis consilium nostrum plane probatum iri speramus. Contendit igitur vir præstantissimus⁴⁵⁾, ad dissimilitudines operum dijudicandas et ad definienda tempora, ex quibus monumenta originem ceperint, vix quidquam majoris esse momenti quam capilli fabricam. Deinde, postquam Græcorum in hoc genere simplicitatem persecutus est, ad hunc modum pergit: brevi post primos Imperatores calamistratam comam in consuetudinem venisse artificesque operam dedisse, ut illam insigni diligen-

⁴⁰⁾ Antiquar. Aufsätze, II, S. 168. ss. Meusel Neue Miscell. art. Inh. I, S. 48. s.

⁴¹⁾ Rathgeber Encyclopaediae Erschio-Gruberianae l. l. conferri jubet librum Ramdohrii, qui inscriptus est Studien über Dänemark, Th. I, S. 145.

⁴²⁾ Neue Miscell. art. Inh. I. I.

⁴³⁾ Ut funditus tolleretur omnis dubitatio, possetne ebur tamdiu sub terra humori et putredini resistere, fors tulit, ut nuperrime etiam in sepulcro Romano in vicinia pagi Weyden prope Coloniam Agrippinam detecto praeter alia decora atque ornamenta invenirentur nonnulla anaglypha eburnea: vid. Urlichs in Jahrb. d. Vereins v. Alterth. im Rheinl. III, S. 145, s.

⁴⁴⁾ Instar omnium erit Goethius: Winckelmann u. sein Jahrh. Oppt. t. XXXVII.

⁴⁵⁾ W. Werke v. Meyer u. Schulze, B. IV, S. 413. s.

tia exprimerent. Tum M. Aurelio et L. Vero imperatoribus apparuisse artificium pene infiniti laboris, quo in innumerabilibus et capilli et barbae cincinnulis singulos pilos imitarentur, eumque morem durasse, dum paullo post tempora Septimii Severi et Caracallae cum omni artificii genere etiam assiduitas in elaborando intercederet. Hæc Winckelmannus. Quæ quoties lego, facere non possum, quin existimem, scriptori ante oculos versatam esse speciem prorsus similem nostro sigillo. In quo etsi omnia singulari diligentia sunt elaborata, nihil tamen artifici majori curæ fuisse videtur, quam ut capillos et præcipue barbam in homine majore, quam accuratissime fieri posset, usque ad singulas cincinnorum fimbrias exprimeret. Itaque quoad Winckelmanno fides est habenda, dubium esse non potest, fabricatorem signi illo tempore vixisse, quod inter M. Aurelii et Caracallæ imperia intercedebat.

At hic disputationis exitus, quamquam longe superat spem, quam initio conceperam, tamen multum abest ut animi desiderium explet; semper enim redit quæstio, unde veniret sigillum, quod solum illud nasci viderit. Verum hic in circumfusis tenebris nullum usquam lumen acceditur; vix parva scintilla exsplendescit, satis valida ad alliciendum viatorem incertum, sed hebetior quam quæ iter collustret. Sed quidquid est, dicam illud, quid sit. Nuper enim, quum Weickerum V. Cl. Bonnæ adiissem nosque una cum Schopenio, viro quum doctrina (quod omnes sciunt) tum morum comitate (quam familiares in eo norunt et unice diligunt) insigni, sigillum meum eburneum contemplaremur, subito cubiculum intrat juvenis Græcus, Athenis natus, qui Bonnæ jam per biennium literis operam dabant et ab utroque professore, ni fallor, Phærrhytes appellabatur. Hic igitur, quid agitaremus, edictus simulacrum in manus sumpsit et vix conspicatus exclamavit: „eia, quanta oris similitudo cum illo hominum genere, quod Neapolí molem implet mari oppositam!“ Quibus auditis Weickerus denuo considerat opusculum et idem sibi videri prædicat; mirifice enim linea menta referre vultus incolarum illius urbis, multum autem abludere a formis Græcarum statuarum, quas ipse cognoverit. Quid igitur tu judicas, mi lector? Nam te in hujus consilii societatem venire fas est. Nonne tibi satis probabilis videtur conjectura, simulacrum in Italia et fortasse in opulentis illis Campaniæ oppidis factum esse? Sed verendum est, ne nimis jam conjectandi libidini indulsisse tibi videamus, quid ego de quæstionem de artifice operis attingere supersedeo.

III.

Facile etiam paterer, me supersedere posse quæstione, quid hoc opere effingendum et quodammodo repræsentandum artifex sibi proposuerit, nisi hanc officii partem deseruisse potius quam reliquise viderer. Neminem enim fugit, quam lubrica sit res, veterum signis nomina imponere. Qua in re quum vel eruditissimos quotidie errare videamus, quid ego de

me sperare possum? Sed quoniam ab hac suscepti muneris parte omnino me subtrahere nec possum nec debeo, faciam, quod potero. Id tamen lectorem monitum velim, ne ea quidem, quae propositurus sum, me pro meis venditare, sed pleraque Welckeri V. Cl. humanitati atque benevolentiae accepta referre.

Opera autem ejusmodi, in quibus homines vulnerati ex proelio tolluntur, etsi in gemmis non admodum raro inveniuntur, statuariorum antiquorum animos minus ad se convertisse videntur. Nec tamen omnino desunt exempla; etiam vasa picta hoc genus aliqua exhibent. E quibus quae mihi innotuerunt, ea ego ita proponam, ut simul appareat, quomodo in his effigie ars a rudibus initii ad altiores perfectionis gradus progressa sit.

Simplicissima igitur ejusmodi pictura est in vase Caninensi in museum Britannicum illato, in qua alati juvenes duo, galeis, loricis, ocreis et gladiis ornati, quos Ventos esse dicunt, nudum corpus viri ingenti magnitudine, qui Memnon esse putatur, tollere et auferre conantur⁴⁶⁾. Hic quum omnem motum intra *conatum* auferendi consistere videamus, longius progreditur quoddam veteris statuariae monumentum a Viscontio⁴⁷⁾ evulgatum, in quo Menelaus Patroclum vel (quae Welckeri sententia est) Ajax Achillem occisum asportat; nam brachiis sublatum ille per terram trahit. De duobus vasis, in quibus idem argumentum exhibetur, nihil dico, quod nullum jam subsidium mihi in promptu est praeter Welckeri explicationem⁴⁸⁾, in qua vir sagacissimus non id agebat, ut dispositionis artificium exponeret. Tertium vero ejusdem generis monumentum cognovimus a Raoul-Rochette Parisiensi doctissimo editum, sed a Welckero demum recte explicatum⁴⁹⁾, in quo humeris ab Hectore gestatur Troilus occisus, sed ita, ut corpus exanime per gestantis tergum dependeat. Atque idem argumentum, si quid video, sibi proposuit, quisquis est, qui nostrum sigillum fecit; sed sollertia hoc ejus commentum est, quod Troilum non mortuum, sed graviter vulneratum fixit: inde enim vividior in utraque effigie motus existit, et dispositioni singularis quaedam gratia conciliatur⁵⁰⁾.

Vides igitur, mi lector, non solum a materia sigillum nostrum commendari, sed etiam

⁴⁶⁾ V. Otto Jahn in Zeitschr. für Alterthumswiss. 1844, fasc. III, p. 244.

⁴⁷⁾ Locum in adversariis meis notatum non reperio.

⁴⁸⁾ Rhein. Museum f. Philol. III. Jahrg. 4 Heft, S. 619.

⁴⁹⁾ I. l. p. 626. ss.

⁵⁰⁾ Commodum haec scribenti afferuntur gratissimae Welckeri literae, per quas ignotum adhuc similis argumenti opus in commentariis suis notatum sese invenisse nuntiat. Namque in inferioribus Vaticanis conclavibus, in quibus multa custodiantr opera marmorea nondum explorata, se vidisse quoddam modica amplitudine simulacrum viri galeati, ceterum nudi, qui corpus interficti pariter nudum, praeclara totius operis dispositione, prae se ferret.

artis majorem in modum exultae gradum in illo cerni. Quare spero fore, ut te non pœnitentia in eo cognoscendo nonnullam op̄eram collocasse nec refugientem itineris molestias te comitem mihi praebuisse. Vale.

